

लईका मन बर बाईबिल प्रस्तुत करत हवे।

उडऊ बेटा



लिखे गए हवे। : Edward Hughes

उत्साह बढ़े गए हवे। : Lazarus

अनुवाद करे गए हवे। : मधुलिका महतो

चयन करे गए हवे। : Ruth Klassen; Sarah S.

कथा ४७ ले ६०

www.M1914.org


Bible for Children, PO Box 3, Winnipeg, MB R3C 2G1 Canada

लाईसेंस : आप मन करा इ कथा ल छापे बर अऊ नकल करे के अधिकार
तमे तक हे जब तक आप मन एला बेचिहा नाही।

Chhattisgarhi

ईसु ला भगवान के
छमा के बारे म मइनसे
मन ला बताए बर
अब्बड़ निक लागत
रहिस। लेकिन यहूदी
अगुवा पापी मन के
संग म उकर संगी
बनाए के बारे म
सिकायत करिन।

तमे ईसु ओमन ला
तीन ठी किस्सा बताइस
जेनले पता चलत आय
कि जभे कोन्हों पाप बर
पछताथे तमे भगवान हा
ओखर ले परसन होथे।



1



2

पहिला कथा हा
सौ ठी भेड़ी वाला
एक ठी चरोइया
के रहिस।

एक ठी भेड़ी
गवा गिस।



3

झट के ओ चरोइया
नीनानबेठन भेड़ी ला
छोड़ के तउन एक

ठी ला खोजे
बर चल दिस।



4

चरोइया हा खोजत
रहिस जभे तक कि
ओ भेड़ी हा मिल नई
गिस। फेर ओ खुसी
ले ओला अपन कांध
म राख के घर ले
आनीस।



5

ओ अपन संगवारी
मनकरा कहिस,
“मोर संग आनंद
मनावा। जेन मोर भेड़ी
हा गवाँ गए रहिस अब
ओ मिल गय हे।”



6

ईसु हा बुझाइस, एकठी
पापी के पाप ला माने ले
स्वरग म अड़बड़ खुसी
अउ आनंद होत आय।
पाप माने के मतलब
हमर पाप बर दुखी
होवय अउ ओला
छोड़े बर कठोर
प्रन लेवय।



7

‘आघु कथा चांदी के
दस ठी सिक्का बाली
एकठी महिला के आय,
जे साइद ओकर सबदिन
के जीनगी के बचत
रहिस। एकठी दुख के
गोठ होगिस ओहा अपन
एकठी सिक्का ला
गवादिस।



8

बहरी बहार, बहार के! महिला हा सब्बो जघा खोजिस। पाछु ले ओ गवाँय गे सिक्का हा मिल गिस। ओहा अड़बड़ खुसी रहिस।



9

का तुमन अंदाजा लगाए सकत हावा ओहा काए करिस होही? हाहो, ओहा अपन सब्बो संगवारी मन ला बताईस।




10



फेर ईसु हा बुझाइस, एक ठी पापी के पछताए म सरगदूत मन के उपस्थिति म अड़बड़ खुसी अउ आनंद होथे?


11

ईसु हा जेन तीसर कथा बताईस ओहा सबले दुख के बात रहिस। ओहा एकठी दुरा के बारे म रहिस जेनहा अपन ददा के घर ला छोड़ के चल दिए रहिस।



12

एकठी अबका सुन्ना देस म दुरा हा मूरूख कस अपन पइसा ला खरचा कर दिस। अब ओहा का करिही? एक ठी अकाल परिस, अउ हालत हा खराब हो गिस। दुरा भुख मा मरए लागिस।



13

भूख के संग नरबस, दुरा हा सुरामन ला चराए बर एक ठी बुता मिलिस। लेकिन ओला कोन्हो घलो नई खवाइन। तब ओहा सुरा के छोड़े जेवन एच ला खाए लागिस। हाहो ओहा अइसनेच करिस। आखिर म, दुरा ला होस आइस। ओहा सोचिस, “ददा के घर म कमिहा मन एखर ले घलो निकता जेवन खाथे।”




14




“मय हा घर लहुटहा अउ अपन पाप बर छमा अपन ददा ले माँगिहा। मय अब ओखर बेटा कहाए के लाइक नई हव। आसरा राखे होवा कि ओहा मोला एकठी कमिहा कस राख लेही।”

15



दुरा हा अभो घलाव घर ले दुरिहा रहिस कि, ओखर ददा हा ओला आत देख के चिन दारिस। आनंद ले ददा हा अपन लहुटत बेटा अंगत दउड़ परिस। ओहा अपन दुरा ला अड़बड़, चुमिस, अउ ओला घेंच म लगाईस।

16



“ददा, मय हा पाप करए हावा। मय अब तुहर बेटा कहाए के लाईक नई हों।” दुरा अपन ददा ले पुछए बर चाहत रहिस कि ओहा ओला एक ठी कमिहा कस राखले। लेकिन ददा हा नटत हुए कहिस। सबले सुधर कुरथा, गोड़ के पनहि, अउ मोर बेटा बर बड़खा जेवनार के तियारी करव।

17

ओमन एक ठी सानदार पारटी करिन काबर कि गवाए बेटा मिल गए रहिस। ईसु हा इ कथा ला ऐखरे सेती बताइस काबर कि ऐहा पछताए अउ परभु के तीर लहुट के आए पापी मन बर भगवान के मया ला देखाथे।



18

उडऊ बेटा

इ कथा हर भगवान के बचन के द्वारा एक ठी बाईबिल

पाए जाथे।

लुका 15

“आप मन कर बानी हर एला अंजोर देखे।”

भजन संहिता ११९ : १३०

भगवान ला पता हे कि हमन गलत काम करे हन जेन ला ओहर पाप कहिथे। पाप के सजा मौत हावे।

भगवान हमन ले बहुत प्यार करथे, ओहर अपन बेटा ईशु मसीह ला क्रूश में मरे बर अऊ हमर पाप के सजा ला पाये बर भेजीस। ईशु मसीह हा फेर जिंदा होगिस अऊ स्वर्ग वापस चल दिस ! अब भगवान हर हामन के पाप बर माफ कर सकथ हे।

अगर आप मन अपन पाप ले मुख ला मोड़े बर चाहत हव ता भगवान ले ये कहव : हे भगवान! मैं विश्वास करथव कि ईशु मसीह हा मोर बर मरीस हावे अऊ अब ओहर फेर ले जीवित हावे। दया करके मोर जिंदगी मा आवव अऊ मोर पाप ला क्षमा करव। ताकि मैं हर अभी नांवा जिंदगी ला पा सकव, अऊ आप मन के संग मा हमेशा बर रह सकव। आपके बेटा बनके आप बर जिये सकव।

बाइबल ला पढ़व अऊ भगवान से रोज बात करव !